

*Cursu e-learning  
de limba sarda*

# DISCHENTE.OR.IT

*una manera noa  
de istudiare  
su sardu*



INFO

**Ufitziu de sa Limba e de sa Cultura Sarda**

Tel. 0783 36831 · Fax 0783 3683206

[ufitziu@dischente.or.it](mailto:ufitziu@dischente.or.it)



*Semper sa limba  
tua apas presente*

*(Remundu Piras)*

Lege 482/99 • Annualidade 2008

## ITE EST DISCHENTE.OR.IT?

DISCHENTE est su primu cursu e-learning progetadu pro imparare su sardu.

DISCHENTE est nàschidu in su 2007 cun su progetu LIMBA SARDA: LIMBA DE S'IDENTIDADE, LIMBA DE SU MUNDU de sa Provintzia de Aristanis e de 73 Comunes. A pustis pro s'annualidade 2008 ant aderidu a su progetu 81 Comunes e pro s'annualidade 2009 sunt 83 Comunes.

DISCHENTE est on-line dae su 2010 e fintzas a como ant completadu su cursu medas dipendentes de sas Amministratziones chi faghent parte de su progetu e maistros de iscola.

Su sistema e-learning est una novidade manna in su mundu de sa formazione, pro ite permitit a totus de fàghere su cursu in cale si siat logu, in ufitziu, in domo, sena oràriu e sena pagare, bastat una connessione internet. Gràtzias a sa piattaforma LMS (Learning Management Sistem), chi permitit a 500 dischentes de impreare su mòdulu formativu in su matessi tempus, mancarì chi su cursu siat istadu progetadu pro sos dipendentes pùblicos – ca s'obietivu prus de importu de sa lege 482 de su 1999 est a formare chie traballat in s'Amministrazione pùblica – DISCHENTE est abertu a totu sos tzitadinos chi cherent imparare su sardu in una manera noa, moderna e simple.

## COMENTE EST FATU DISCHENTE.OR.IT?

DISCHENTE est partzidu in tres partes: MÒDULU 1, MÒDULU 2 E MÒDULU 3.

Onni parte est propedeutica a sas àteras e pro l'ompere a finire su cursu tocat a cumpletare onni mòdulu.

In prus bi sunt aprofundimentos temàticos e sàgios.

Onni letzione (learning object) est fata de tres partes:

1. sa parte àudio-vidèu in ue si podet iscurtare e biere su maistru chi ispiegat sa letzione;
2. sos aprofundimentos e sas ischedas, in PDF, chi si podent iscarrigare;
3. sos esertitzios.

A s'acabbu de onni letzione, onni dischente podet torrare a controllare cantu tempus at dedicadu a su cursu, cantos isbàllios at fatu e in cales esertitzios, podet torrare a fàghere sos esertitzios pro megiorare su puntègiu e sa pagella, podet controllare su resurtadu de onni letzione e de su cursu intreu.

A s'acabbu de su cursu, onni dischente podet fàghere s'esame e otènnere un'atestadu. S'Ufizziu de sa Limba e de sa Cultura Sarda organizat onni duos o tres meses, avisende sos dischentes, s'esame pro onni mòdulu de su cursu.

## CALES SUNT SOS ARGUMENTOS DE SU CURSU?

In su MÒDULU 1 b'at 31 learning object chi pertocant custos argumentos: sa tutela de sas limbas de minoria, sa situatzione linguistica de oe in die in Sardigna, sa fonètica, sas normas de base de sa Limba Sarda Comuna, s'ortografia, su repertòriu linguisticu, s'interlinguistica sardu-italianu, sas partes de su discursu (maistros: Antonio Ignazio Garau, Gianfranca Piras, Michele Ladu); 4 learning object sunt subra sa limba sarda in sa literatura contemporànea, s'istòria e s'istandardizazione de sa limba sarda in sos prèmios literàrios, s'impreu de sa limba sarda in Predu Mura e Peppino Mereu (maistru: Duilio Caocci); 7 learning object subra su raportu intre limba sarda iscrita e oralidade, s'anàlisi de sa Limba Sarda Comuna (maistru: Filippo Sechi).

In su MÒDULU 2 b'at 24 learning object chi pertocant s'anàlisi lògica e grammaticale, sos complementos, sas prepositziones, chistiones de morfosintàtica (maistru: Antonio Ignazio Garau); 7 learning object subra sos verbos (maistru: Simone Pisano); 3 learning object chi pertocant sa partzidura diatòpica de sa limba sarda (maistru: Maurizio Viridis).

In su MÒDULU 3 b'at 9 learning object chi pertocant su sardu in s'Amministrazione pùblica e sa pianificatzione linguistica (maistru: Antonio Ignazio Garau).

In sos APROFUNDIMENTOS b'at ischedas subra sos ditzionàrios e vocabulàrios sardos, sas limbas de minoria in su web e sa fonètica de su sardu cun cartas subra sa metafonia e su vocalismu (maistros: Gianfranca Piras, Michele Ladu, Maria G. Cossu). In prus si podent iscarrigare sàgios subra Sa Limba sarda e sas àteras minorias de Giovanni Murru, Limba sarda e autos amministrativos de Carlo Pillai e de Sebastiano Fenu, Limba sarda e Crèsia de Raimondo Turtas, Limba sarda e literatura de Salvatore Tola, Limba sarda e Carta de Logu de Ester Gessa.

## FÀGHERE SU CURSU

A si iscriere a su mòdulu formativu DISCHENTE.OR.IT est fàtzile meda: bastat a sighire sas istrutziones in su situ. Sa prima cosa de fàghere est a intrare in su situ [www.dischente.or.it](http://www.dischente.or.it)

Intrende in Registrati si lompert a una pàgina in ue b'est unu entry-form de registratzione chi depet èssere cumpiladu in onni parte. A pustis de àere imbiadu su mòdulu de iscrizione on-line sos tutores ant a valutare sa domanda de iscrizione. Si sa domanda podet èssere atzetada at a arribare a s'indirizzu de posta eletrònica inditadu in su form s'avisu de registratzione cun sa prima password pro intrare. Pro cale si siat difficultade, in su cursu b'est fintzas una chat chi podet serbire pro comunicare cun sos tutores e cun sos àteros dischentes collegados.